

增訂
傷寒百證歌註

丑 14

6

共 4 冊



增訂傷寒百證歌註

卷之三

四十 發熱歌

太陽發熱惡寒慄。陽明身熱汗自出。少陽發熱多乾嘔。三陽發熱證非一大抵。寒多爲易治。熱多寒少因寒抑。解熱大小柴胡湯。更看淺深爲妙術。三陰初無發熱證。唯有少陰兩證實。脈沉發熱屬麻黃。裏寒外熱宜四逆。

（註）發熱而惡寒者屬太陽也。太陽病必發熱而惡寒。蓋太陽主氣以溫皮膚。分肉寒氣留於外。皮膚緻密則寒慄而發熱。宜發其汗。麻黃湯大青龍湯主之。若發熱微惡寒者。柴胡桂枝湯。桂枝二越婢一湯主之。若吐利而發熱惡寒者。霍亂也。太陽病發熱而渴不惡寒爲溫病。若發汗已。身體灼熱者爲



風溫也。身熱汗出，漉漉然者，屬陽明也。陽明病，脈浮者，宜桂枝微汗之。脈實者，調胃承氣湯。緩下之，大便秘者，白虎湯清解之。若陽明病發汗多者，宜大承氣湯急下之。蓋汗多發熱者，胃汁乾故也。仲景云：太陽證汗後不惡寒，但熱者實也，當和其胃氣，宜調胃承氣湯。太陽病三日發汗不解，蒸蒸發熱者，屬於胃也。宜下之。脈細、頭疼、嘔而發熱者，屬少陽也。少陽發熱，小柴胡湯主之。不可發汗。發汗即譫語。病人不渴，外有微熱者，小柴胡加桂枝也。小柴胡加桂枝主表熱最良。此法不特傷寒也。仲景表有熱者，小柴胡加桂枝也。裏有熱者，白虎加入參也。大抵身熱不飲水者，爲表熱也。口燥煩渴者，爲裏熱也。二藥均治發熱，然分表裏不可不知也。發汗已身灼熱者，名風溫。（素問云：汗出而身熱者，風熱也。其人素傷於風，因復傷於熱，風熱相搏，即身熱常自汗出，此名風溫。）病人無表裏證，發熱七八日，脈雖浮數，宜大柴胡湯下之。假令已下，脈數不解，今熱則消穀，善饑，至六七日不大便者，有瘀血也。

抵當湯主之。（水蛭大黃蟲蟲桃仁）若傷寒差後更發熱者小柴胡湯主之。（脈浮者以汗解脈實者可下之）若陰證太陰厥陰皆不發熱只少陰發熱有二證仲景謂之反發熱也少陰病初得之發熱脈沉者麻黃細辛附子湯主之。（麻黃細辛附子）少陰病脈沉發汗則動經此大略之言耳脈應裏而發熱在表亦當以小辛之藥泄汗而溫散也仲景云傷寒之病從風寒得之表中風寒入裏則不消須用溫藥少汗而解少陰病下利清穀裏寒外熱手足厥逆脈不出者通脈四逆湯主之大抵陰證發熱終是不同脈多沉或下利手足厥也若熱多寒少太陽熱多寒少有三證有熱多寒少而不嘔清便自可者有熱多寒少而脈微弱者有熱多寒少而六脈遲者其用藥皆不同也太陽病八九日如瘧狀熱多寒少不嘔清便自可宜桂枝麻黃各半湯熱多寒少而脈都微弱者無陽也不可發汗宜桂枝二越婢一湯主之若脈浮雖熱多寒少亦自可發汗也熱多寒少而尺中遲者血少也先以小建中

加黃耆以養其血。尺尚遲。再作一劑。然後晡時用小柴胡湯。桂枝二越婢一湯。輦小劑隨證治之。此節述朱翼中之學說也。

四十一 潮熱歌

潮熱爲實當與下。仲景之言可憑藉。更看脈息浮與沉。若但弦浮應未也。惡寒脈浮表證在。與小柴胡湯勿下。腹滿不通小承氣。但和胃氣無多瀉。潮熱之證有三說。皆屬陽明小柴訣。一則潮熱且呃噫。二則微熱或溏泄。三則日晡發其時。發已微利增嘔噦。太陽亦有一證存。唯是結胸發潮熱。

（註）潮熱者大率當下。仲景云潮熱者實也。大承氣湯證云其熱不潮未可與也。則知潮熱當下無疑矣。雖然更看脈與外證。脈若弦若浮及外證惡寒猶有表證。且與小柴胡湯以解之。（柴胡黃芩半夏人參甘艸生薑大棗）

若腹大滿不通者。可與小承氣湯。（大黃厚朴枳實）微和其胃氣。勿令大泄也。仲景云。日晡所發潮熱。屬陽明也。脈實者。大承氣。（大黃厚朴枳實芒硝）大柴胡也。（柴胡黃芩大黃枳實半夏甘艸大棗生薑）脈虛者。桂枝也。（桂枝芍藥甘艸大棗生薑）縱使潮熱。當行大承氣。亦須先少與小承氣。若不轉矢。氣不可攻。之後發熱復硬者。大柴胡下之。若胸脇滿而嘔。日晡發潮熱者。小柴胡加芒硝土之。又有日晡發潮熱已而微利者。又有微發潮熱而大便溏者。或潮熱而欬逆者。皆當用小柴胡也。傷寒十二日不解。胸脅滿而嘔。日晡發潮熱已而微利。潮熱者實也。先與小柴胡以解外。後以柴胡加芒硝湯下之。冬陽明潮熱。當行黃芩湯。（黃芩芍藥甘艸棗子）已上潮熱並屬陽明也。惟結胸有潮熱者。屬太陽。此節述朱翼中之學說也。

四十二 往來寒熱歌

陰陽相勝互爭。強往來寒熱。亦何常。先寒後熱。爲陰盛。先熱後寒。責在陽。此疾大約有三證。大小柴胡薑桂湯。中風胸滿不欲食。心煩喜嘔。小柴良。熱結在裏十餘日。却是大柴胡。克當已汗復下。胸脇滿。柴胡薑桂保安康。

（註）凡往來寒熱者。陰陽相勝也。陽不足則先寒後熱。陰不足則先熱後寒。往來寒熱有三證。小柴胡湯。大柴胡湯。柴胡桂枝乾薑湯。有表證而往來寒熱者。用小柴胡也。有裏證而往來寒熱者。大柴胡也。已表或已下而往來寒熱者。皆可用柴胡桂枝乾薑湯也。（柴胡桂枝黃芩牡蠣甘艸乾薑枳樓根）仲景云。血弱氣盡。腠理開。邪氣因入。與正氣分爭。往來寒熱。休作有時。小柴胡主之。又云。傷寒五六日。中風往來寒熱。胸脇苦滿。默默不欲食。心煩喜嘔。或胸煩而不嘔。或渴。或腹中痛。或脇下痞鞭。或心下悸。小便不利。或不渴。身有微熱。或欬者。小柴胡主之。傷寒十餘日。熱結在裏。往來寒熱者。大柴胡

主之傷寒五六日已發汗復下之胸脇滿小便不利渴而不嘔頭汗出往來寒熱心煩柴胡桂枝乾薑湯也。

柴胡桂枝乾薑湯 治傷寒五六日已發汗而復下之胸脇滿微結小便不利渴而不嘔但頭汗出往來寒熱心煩者此爲未解也此湯主之。

（藥量） 柴胡 二錢 桂枝 黃芩 各錢半 括蕞根 二錢 乾薑 牡蠣

炙草 各一錢

（服法） 右七味水煎服初服微灼再服汗出而愈。

（歌曰） 寒熱往來頭汗出心煩胸脇滿而窒柴芩薑蠣合炙甘花粉桂枝加減

七。

（方解） 方用柴胡桂枝黃芩轉少陽之樞而達太陽之氣牡蠣啓厥陰之氣以

解胸脇之結蕞根引水液以上升而止煩渴汗下後中氣虛故用乾薑甘艸以理中一以散脇之微結一以濟芩蕞之苦寒使陰陽和而寒熱

已也。

四十三 汗之而熱不退歌

已汗復下。脈加躁。不食。狂言。謾祈禱。此證謂之陰陽交。死候難醫。不可道得汗。脈靜。自然生。汗後復熱。命難保。脈若浮數。可再汗。沉實之時。下爲好。風溫之候。屬萎蕤。虛煩竹葉湯爲寶。更看虛實治。爲宜。可細斟量。休草草。

（註）素問云。溫病汗出。輒復熱。而脈躁疾。不爲汗衰。狂言不能食。謂之陰陽交。交者死也。又云。熱病已得汗。而脈躁盛者死。今不與汗相應。是不勝其病也。其死明矣。大抵病人得汗而脈靜者生。今汗之而仍發熱者。若脈浮數。則表證猶在。汗之必愈也。仲景云。發汗解。半日許復熱。煩脈浮數者。可更發汗。宜桂枝湯。發汗後不敢再表者。爲脈沉實耳。脈若浮者。須再汗也。發汗後不

惡寒只發熱脈沉實或狂語此爲胃實陽盛卽不可再汗也須當下之設令下後又不解表裏邪亦衰矣仲景云太陽病三日發汗不解蒸蒸發熱者宜調胃承氣湯（大黃甘草芒硝）和其胃氣也太醫云若傷寒得汗後熱不退發昏及狂言者便可用承氣湯下之立愈未差再服若汗後熱不解但心下痞嘔逆又自利大柴胡去大黃主之又有太陽證合行桂枝却用麻黃之類發汗多亡陽仍發熱者眞武湯主之（茯苓芍藥白朮附子生薑）嘔者去附子咳者加五味子細辛乾薑更有風溫一證初得病發熱而渴不惡寒汗已身灼熱者爲風溫屬萎蕤湯岐伯所謂汗出而身熱者風熱雖發也若傷寒得汗後病解虛羸微熱不去可行竹葉石膏湯隨其虛實而治之此節述朱翼中之學說也

葳蕤湯

（藥量）

羌活

八分

麻黃

四分

葛根

六分

白芷

八分

青木香

四分

（歌方）

川芎 五分
炙艸 四分
石膏 六錢
葳蕤 一錢
杏仁 錢半

風溫浮盛萎蕤湯。羌麻葛芷青木香。芎草石膏萎蕤杏。裏實熱甚入硝黃。

（解方）

風溫初起。六脈浮盛。表實壯熱。汗少者。宜萎蕤湯以發表風邪。方用羌活麻黃葛根白芷爲君。青木香川芎甘艸石膏萎蕤杏仁爲佐也。裏實熱甚。汗多者。去羌麻葛芷。加芒硝大黃以攻裏熱也。

四十四 下之而仍發熱歌

病人脈微來。又澀。誤汗。誤下。皆爲失。既汗亡陽。斯惡寒。又下陰微。還熱極。最忌陰陽皆已虛。熱又不止。病斯亟。更有勞復。并食復。失於調治。并將息新差。血氣尙虛。羸勞復生。熱無氣力。脾胃尙弱。食過多。食復發熱。還憎食。小柴枳實梔子湯。數者用之宜審的。



(註)仲景云。病人脈微而瀉。爲醫所病。大發其汗。使陽氣微。又大下之。使陰氣弱。其人亡血。病當惡寒。後乃發熱。無休止時。蓋陽微則惡寒。陰弱則發熱。陽微惡寒。四逆湯主之。陰弱發熱。爲內熱。黃連阿膠湯主之。大抵傷寒八日。已上大發熱者。此爲難治。又有醫人多用圓子藥下之。身熱不去。微煩者。梔子乾薑湯主之。傷寒五六日。大下之後。身熱不去。心中結痛者。未欲解也。梔子豉湯主之。此節述朱翼中之學說也。

四十五 惡寒歌

惡寒發熱在陽經。無熱惡寒病發陰。陽宜發汗麻黃輩。陰宜溫藥理中宜。嗇嗇惡寒桂枝證。汗後惡寒虛不任。脈微惡寒不可下。尙宜發汗莫令深。亦有頭汗惡寒者。柴胡加桂值千金。汗已惡寒心下痞。附子增加入瀉心。

（註）凡惡寒有二證。發熱而惡寒者。發於陽也。無熱而惡寒者。發於陰也。發於陽者。宜解表。脈必浮數。屬桂枝湯。桂枝二越婢一湯。（桂枝芍藥甘草石膏麻黃生薑棗子）麻黃湯。（麻黃杏仁甘草桂枝）小青龍湯。（芍藥桂枝乾薑甘草細辛五味子半夏麻黃）證也。發於陰者。宜溫裏。脈必沉細。屬理中湯。（人參甘草白朮乾薑）四逆湯。（附子甘草乾薑）證也。少陰病下利已惡寒而蹠手足溫者可治。宜建中湯。若少陰病惡寒而蹠時時自煩不欲厚衣。用大柴胡湯下之。若發熱微惡寒者。屬柴胡桂枝湯也。（即小柴胡加桂枝）發汗後反惡寒者。虛故也。屬芍藥甘草附子湯。（芍藥甘草附子脈微而惡寒者。此陰陽俱虛。不可更吐下也。發汗面色赤有熱者。爲欲解。宜桂枝麻黃各半湯。（麻黃桂枝杏仁芍藥甘草）傷寒大下後復發其汗心下痞惡寒者。表未解也。不可攻其痞。當先解表。表解乃可攻痞。解表宜桂枝湯。攻痞大黃黃連瀉心湯。雖然。太陽陽明少陰皆有惡寒。要之太陽病或已

發熱。或未發熱。必惡寒也。陽明證俱宜下。惟惡寒中寒爲病在經。與太陽合病屬表。宜發其汗。若吐若下後。七八日不解。熱結在裏。表裏俱熱。時時惡風者。白虎證也。（知母石膏甘草粳米）又有汗惡寒者。有汗出多而微惡寒者。有頭汗出而微惡寒者。仲景云。太陽病。其人發熱汗出。復惡寒不嘔。但心下痞者。此以醫下之也。心下痞而復惡寒汗出者。附子瀉心湯主之。（大黃黃連黃芩附子）陽明病。脈遲。汗出多微惡汗者。表未解也。可發汗。宜桂枝湯也。頭汗出而微惡寒者。屬少陽。宜小柴胡湯。此節述朱翼中之學說也。

柴胡桂枝湯

治傷寒六七日發熱微惡寒支節煩疼微嘔心下支結外證未去者。此湯主之。又發汗多亡陽譫語不可下。與柴胡桂枝湯和其營衛。

以通津液後自愈。

（藥量）

柴胡 二錢

桂枝

黃芩

芍藥

生薑

各八分

人參

錢半

炙草 二分

大棗 二枚

半夏 一錢

（服法）

水煎服

（曰歌）

太陽未罷少陽多。支節煩疼寒熱過。津液一通營衛治。小柴方內桂枝和。

（解方）

按此太陽邪輕。少陽邪甚之方。故湯名以柴胡爲冠也。活人往往取代桂枝湯。推其所以取代之故。以論中有和其營衛。以通津液。後自愈。一字也。

四十六 背惡寒歌

背。陽。腹。陰。各。異。位。陽。弱。惡。寒。多。在。背。一。則。三。陽。合。病。生。一。則。少。陰。寒。在。外。欲。識。陰。陽。病。不。同。口。和。不。和。各。分。配。合。病。口。燥。并。不。仁。白。虎。抑。陽。是。其。對。少。陰。口。和。須。灸。之。附。子。湯。兼。陰。自。退。

（註）凡背惡寒者有二證。三陽合病。背惡寒者。口中不仁。口燥舌乾也。少陰病。背惡寒者。口中和也。以此別之。口中不仁。口燥舌乾而背惡寒者。白

虎加人參湯主之。（知母人參甘草石膏粳米）口中和而背惡寒者。附子湯主之。仍灸之。此節述朱翼中之學說也。

附子湯 治少陰病。一二日。口中和。其背惡寒者。當灸之。宜此方主之。又少陰病。身體疼。手足寒。骨節痛。脈沉者。宜此方主之。

（藥量）

附子

人參

各二錢

茯苓

芍藥

各三錢

白朮

四錢

水二杯煎八

分溫服、

（曰歌）

口和脈細背憎寒。火灸關元卽刻安。芍藥人參苓朮附。身疼肢冷效如仙。

（解方）

柯韻伯曰。此大溫大補之方。乃正治傷寒之藥。爲少陰固本禦邪第一之劑也。與真武湯似同而實異。倍朮附。去薑加參。是溫補以壯元陽。真武湯還是溫散而利腎水也。

四十七 厥歌

有冷厥兼有熱厥脈證當須子細別冷厥纔病四肢冷但脈沉微身不熱足多踈臥并惡寒引衣自覆仍不渴熱厥身熱頭且痛三四日內厥方發半日之間熱復回揚手擲足煩躁列要之熱深厥亦深熱微厥亦微相侵血氣不通手足冷醫人不識却疑陰其脈沉伏而更滑頭面有汗指甲溫急便下之安可慢不然疑似禍相仍又有正汗來相逼兩手一手忽無脈手足厥冷面不澤麻辛甘草湯脫厄心下怔忡厥有水脈緊厥時邪在裏發熱七八日身冷此名藏厥爲難治。

（註）凡手足逆冷此名厥也厥者逆也陰陽不相順接手足逆冷也陽氣衰陰氣盛陰勝於陽故陽脈爲之逆不通於手足所以逆冷也傷寒熱多厥少者其病當愈厥多熱少者其病爲進然有冷厥有熱厥當仔細辨認冷厥者初得病日便四肢逆冷脈沉微而不數足多攣臥而惡寒或自引衣蓋覆不